

BIL 1 TAHUN 2016

EVOLUSI TASAWUR PEMIKIRAN MELAYU : KAJIAN HISTORIOGRAFI

Oleh : Mohd Shukri Hanapi

Abstrak

Tasawur pemikiran Melayu telah mengalami evolusi yang cukup panjang, bermula dan tasawur primitif sebelum beralih kepada tasawur Hindu-Buddha dan tasawur Islam. Persoalannya, adakah kedatangan Islam sekitar abad ke-12 hingga ke-15 berjaya mencorakkan tasawur pemikiran Melayu dengan tasawur Islam? Adakah elemen-elemen tasawur primitif dan Hindu-Buddha yang telah mempengaruhi pemikiran Melayu Berjaya dirobah sepenuhnya? Bagaimanakah pula dengan pemikiran Melayu kini? Apakah tasawur yang mencorakkan pemikiran mereka? Berdasarkan permasalahan inilah artikel ini ditulis. Kajian ini dilakukan berdasarkan buku-buku pensejarahan untuk mencapai dua objektif kajian. Pertama, mengenal pasti tasawur pemikiran Melayu sebelum dan selepas kedatangan Islam di Tanah Melayu; kedua, menganalisis tasawur pemikiran Melayu kini sama ada dicorakkan oleh tasawur Islam atau tasawur lain yang lahir daripada pemikiran barat. Untuk mencapai kesemua objektif ini, pendekatan kualitatif yang berbentuk deskriptif ini menggunakan kaedah analisis kandungan. Dapat dirumuskan bahawa Islam sememangnya telah berakar umbi dalam pemikiran serta pembentukan tasawur pemikiran Melayu. Namun, unsur-unsur tradisi seperti kepercayaan animisme belum Berjaya dikikis sepenuhnya dalam kehidupan mereka. Bukan setakat itu, malah pemikiran Melayu kini juga dipengaruhi tasawur Barat seperti falsafah neoklasikal dan falsafah radikal.

Kata kunci : Ecolusi, Tasawur, Pemikiran, Historiografi